

# 緣起經一卷

唐沙門奘玄奉詔譯

如是我聞一時薄伽梵在室羅筏住誓多林給孤獨園與無量無數聲聞菩薩天人等俱爾時世尊告苾芻衆吾當爲汝宣說緣起初差別義汝應聽極善思惟吾今爲汝分別

解說苾芻衆言唯然願說我等樂聞

佛言云何名緣起初謂依此有故彼有此生故彼生所謂無明緣行行緣識識緣名色名色緣六處六處緣觸觸緣受受緣愛愛緣取取緣有有緣生生緣老死起愁歎苦憂惱是名爲純大苦蘊集如是名爲緣起初義

云何名爲緣起差別謂無明緣行者云何無明謂於前際無知於後際無知於內無知於外無知於業無知於異熟無知於佛無知於法無知於僧無知於苦無知於集無知於滅無知於道無知於因無知於果無知於因已

思二

八

威

生諸法無知於善無知於不善無知於有罪無知於無罪無知於應修習無知於不應修習無知於下劣無知於上妙無知於黑無知於白無知於有異分無知於緣已生或六觸處如實通達無知如是於彼彼處如實無知無見無現觀愚癡無明黑闇是謂無明云何

爲行行有三種謂身行語行意行是名爲行行緣識者云何爲識謂六識身一者眼識二者耳識三者鼻識四者舌識五者身識六者意識是名爲識識緣名色者云何爲名謂四無色蘊一者受蘊二者想蘊三者行蘊四者識蘊云何爲色謂諸所有色一切四大種及

四大種所造此色前名摠略爲一合名名色是謂名色名色緣六處者云何六處謂六內處一眼內處二耳內處三鼻內處四舌內處五身內處六意內處是謂六處六處緣觸者云何爲觸謂六觸身一者眼觸二者耳觸三者鼻觸四者舌觸五者身觸六者意觸是名

爲觸觸緣受者云何爲受受有三種謂樂受苦受不苦不樂受是名爲受

受緣愛者云何爲愛愛有三種謂欲愛色愛無色愛是名爲愛愛緣取者云何爲取謂四

取一者欲取二者見取三者戒禁取四者我語取是名爲取取緣有者云何爲有有有三

思二

九

盛

種謂欲有色有無色有是名爲有

有緣生者云何爲生謂彼彼有情於彼彼有情類諸生等生趣起出現蘊得界得處得諸蘊生起命根出現是名爲生生緣老死者云何爲老謂髮衰變皮膚緩皺衰熟損壞身脊樞曲黑靁間身喘息奔急形貌僂前鴟據杖策惛昧羸劣損減衰退諸根耄熟功用破壞諸行朽故其形腐敗是名爲老云何爲死謂彼彼有情從彼彼有情類終盡壞沒捨壽捨暭命根謝滅棄捨諸蘊死時運盡是名爲死此死前老撾略爲一合名老死如是名爲緣

起差別義

苾芻我已爲汝等說所標緣起初差別義時薄伽梵說是經已聲聞菩薩天人等衆聞佛所說皆大歡喜得未曾有信受奉行

## 緣起經一卷

思二

緣起經一卷

盛